



Ministry of Civil Affairs

Broj: 14-16-3-18-4/22
Datum: 22.11.2022. godine

Na osnovu člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

O D L U K U

o izboru najpovoljnijeg ponuđača

I

Najpovoljniji ponuđač u postupku javne nabavke računara i monitora objavljenom na web portalu Agencije za javne nabavke BiH, broj obavještenja: 121-1-1-80-3-45/22 od 25.10.2022. godine, koji je proveden u skladu sa procedurom otvorenog postupka je Katarina d.o.o. Mostar.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke za 2022. godinu je konstatovala da je rok za dostavu ponuda 16.11.2022. godine do 11:00 sati, te da je do navedenog roka na protokol Ministarstva civilnih poslova Bosne i Hercegovine pristiglo 5 ponuda i to ponuđača: ELUR d.o.o. Kiseljak, Katarina d.o.o. Mostar, Time Code d.o.o. Sarajevo, INTER-COM d.o.o. Zenica i Emado d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača Time Code d.o.o. Sarajevo nije prihvatljiva iz razloga što ponuda nije dostavljena skenirana na CD-u, ili DVD-u, ili USB-u ili, sličnoj memoriji, iako je tačkom 14. Tenderske dokumentacije jasno navedeno da su ponuđači obavezni dostaviti skeniranu kompletnu ponudu CD-u, ili DVD-u, ili USB-u ili, sličnoj memoriji.

Ponuda ponuđača INTER-COM d.o.o. Zenica nije prihvatljiva iz razloga što nije dostavljena Potvrda banke da račun ponuđača nije bio blokiran u posljednjih šest mjeseci, odnosno dokaz u skladu

sa članom 47. Zakona o javnim nabavkama, a koji dokaz je tražen tačkom 11.2.1a) Tenderske dokumentacije.

Ponuda ponuđača Emado d.o.o. Sarajevo nije prihvatljiva iz razloga što tehnička specifikacija računara navedenih u ponudi nije u skladu sa karakteristikama traženim u tenderskoj dokumentaciji. Naime, ponuđeni računari imaju kućište dimenzija 155 x 337 x 303 mm dimenzija, a što su veće dimenzije u odnosu na maksimalno dozvoljene dimenzije tražene tenderskom dokumentacijom 150 x 310 x 340 mm. Osim toga tenderskom dokumentacijom tražen je operativni sistem Windows 11 Pro 64, a ponuđeni su računari koji imaju operativni sistem Windows 10 Pro 64.

Komisija je utvrdila da su ponude ponuđača ELUR d.o.o. Kiseljak i Katarina d.o.o. Mostar prihvatljive, te je analizom ponuda, nakon okončane e-aukcije, primjenom kriterija najniža cijena, Komisija utvrdila sljedeće:

Najpovoljnija je ponuda ponuđača Katarina d.o.o. Mostar sa ukupnom cijenom 74.900,00 bez PDV-a, odnosno 87.633,60 KM sa uračunatim PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



DOSTAVITI:

1. Ponuđačima - elektronski
2. Web stranica Ministarstva – na objavu
3. a/a